



Inatsisartuni ilaasortaq Andreas Uldum

### § 37 tunngavigalugu apeqqutinut akissutit.

Asasara Andreas Uldum

2. november 2012  
Postboks 1601  
3900 Nuuk

Inatsisartut suleriaasianni § 37 naapertorlugu Naalakkersuisunut imatut ittunik apeqquteqarsimavutit:

1. Suna pissutaava nunap matumap atorfininnermut uppersaateqartarnermut inatsiseqanngimmat?
2. Naalakkersuisut taamaattumik inatsiseqalernissaa sulissutiginiarpaat imaluunniit danskit naalakkersuisui qinnuigineqassappat Atorfininnermut uppersaateqartarneq pillugu inatsit Kalaallit Nunaanni atortussanngortinneqassasoq? (Sulisitsisut sulisartut atorfininnerannut atatillugu atugassanik nalunaaruteqartussaaitaanerat inatsit pillugu nalunaarut).
3. Inatsisartuusimasut taamatullu maannakkut Naalakkersuisut qanoq iliuuseqarpat Inatsisartuusimasut aalajangiiffigisassatut siunnersuummut akuersinerat tunngavigalugu, taamani akuerineqarmat inatsisissatut siunnersuummik saqqummii-soqassasoq sulisartut atorfininnermut uppersaammik piumasaqarsinnaaneratt inatsisitigut tunngavissaqartilerniarlugu? (UPA2008/18)?

#### 1 pill. akissut

Inatsisartunut atorfininnermut uppersaateqartarneq pillugu Inatsisartut inatsisissaannik siunnersuummik saqqummiussisoqarsimanngilaq. Taamaattumik Inatsisartut inatsisissaata inaarutaasumik akuersissutiginnissaanut pisariaqartitatut pingasoriarluni oqaluuserinninnissamik siunnersuut taama ittoq ingerlanneqarsimanngilaq.

#### 2 pill. akissut

Namminersornerullutik Oqartussanit suliffeqarfinnut pissutsinik suliassa qarfiusoq tiguneqarsimavoq. Taamaattumik suliassa qarfiusumut Namminersorlutik Oqartussat inatsisiliortutut pissaanermik tigusaqarsimapput. Danskini atorfinitsitaanermut piumasaqaatit pillugit sulisartumut sulisitsisup nalunaaruteqartarnissamik pisussaaffeqarnera pillugu danskit inatsisaat, inatsisissatut nalunaarut nr. 1011, 15. august 2007-imeersoq, allannguutit inatsit nr. 482, 12. juni 2009-

meersumi § 5 naapertorlugu atuutsitaasut naapertorlugu Kalaallit Nunaannut atuutinnigilaq, aammattaarlu kunngip akuersissuteqarneratigut atuutsilernissaa pillugu aalajangersagartaqarani. Taamaattumik atorfinitsitaanermut piumasaqaatit pillugit sulisartumut sulitsisisup nalunaaruteqartarnissamik pisussaaffeqarnera pillugu inatsisip Kalaallit Nunaannut atuutsilersinniarlugu Naalackersuisut danskit naalackersuisoqarfiat qinnuigisinnaanngilaat.

Inatsisartut aalajangiussinerannik Naalackersuisut malitseqartitsissapput suliffeqarfimmilu illuatungerisat ilanngullugit inatsisissamut piareersaanermik suliaq aallartisassallugu.

### **3 pill. akissut**

Inuussutissarsiornermut Ataatsimiititaliap allannguutissatut siunnersuutaannik ullormut oqaluuserisassani UPA2008/18-imik aappassaanneerinninnermi Inatsisartut akuersissuteqarput imatut oqaasertalimmik:

*”Sulisartut atorfininnermi allagartamik pissarsinnaatitaanissaat pillugu inatsisissatut siunnersuummik Inatsisartut 2009-mi upernaakkut ataatsimiinneranni saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut. Suliffimmi isumannaallisaanikkut politiki, pikkorissartitseqqittarnermut politiki, nikeraattarnermut aaqqissuussinerit il.il. pillugit nalinginnaasumik paasissutissat atorfininnermi allagartami allassimasapput. Taamaalilluni sulisartoq suliffigiligassamini pissutsinik nalinginnaasunik allakkatigut ilisarititsiffigineqarlunilu paasitinneqarsinnaaqqullugu. Inatsisissatut siunnersuut suliffeqarnermi illuatungeriit suleqatigalugit suliarineqassaaq.”*

Inatsisartut 2009-mi upernaakkut ataatsimiinneranni taamanikkut Naalackersuisuusut inatsisissatut siunnersuummik saqqummiussaqaarsimannginnerat Naalackersuisut paasisinnaavaat. Taamaattumik Inatsisartut aalajangiussinerannik Naalackersuisut malitseqartitsissapput, suliffeqarfimmilu illuatungerisat ilanngullugit inatsisissatut piareersaalluni suliarisamik aallartisaassallutik.

Inussiarnersumik inuulluaqqusillunga

Inuussutissarsiornermut Aatsitassaqaqarnermullu Naalackersuisuni ilaasortaq

Ove Karl Berthelsen